



02. Maj 2019

UPA 2019/67
Aqqalu C.Jerimiassen

Namminersorlutik Oqartussat pigisaanni, pisortat suliffeqarfiutaanni misissueqqissaarnermi iluaqutaasinnaasut aamma ajoqutaasinnaasut selskabit niuertorpalaartumik ilusiligaasimanerannut aaqqissuussisimanermi siunertaqartunuinnaangitsoq taamaattorli aamma immikkuullarissumik politikikkut qajassuussinissaq pillugu UPA2019-mut saqqummiussinissaannik Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Pele Broberg, Partii naleraq)

Aalajangiiffigisassatut siunnersuut atuarlugu aallartiinnarlugu eqqarsaammernarpoq, soorlulusooq suna tamaat qanga KGH ingerlaaserisimasaanut uterteqqinniarneqalersoq. Uagut Atassummiik KGH'p utersaarnissaa nakerinngingaarpaput, ullutsinnummi naleqqussaannissaq soqutiginarneruvoq utersaariarnermiik.

Aallaqqaataaniillu toqqaannaq ima erseqqitsigisumik apeqquserusunnarluni, Partii Naleqqakkut innuttaasut aallaaviginerartuarnianguarlugit soq taama eqiterusseqqinnissamik annertutigisumik siunnersuuteqartut. Nunatta inui aallaavigineranguarlugit Qallunaallu periusaat SOV ilaatigut atornerqarsinnaaneranik siunnerfilimmik oqariartuuteqarlutik.

SOV-iliuna soq ujartorneqartoq, Atassummiik takusinnaasarpup malillugu Finansministeriep nittartagaani misissuigaanni SOV-itut ingerlasut quliupput, taakkulu suussusai missussagaanni takunerqarsinnaavoq pisiniarfeqarnermut niunernermullu toqqaannaq tunngassuteqanngitsoq. Assiganilli Nukissiuuteqarnermut tunngasoq tigungmineqarluni. Taamaattumik takujuminaappoq iluaqutissartai suusinnaanersut.

Atassummiik erseqqissumik Partii Naleqqap siunnersuuteqartuanut Pele Broberg-imut oqaatigerusupparput, KNI A/S tikkuarneqarmat tupinginanngitsuunngilaq inatsisit erseqqissumik allaqqasut immikkoortissinnaasimangippagit. Illoqarfiit kiffartuussinissamik isumaqatigiissuteqarfiunngitsut nammineq iluanaarniarfiusumik ingerlasinnaatitaanerat, illuanilu isorliunerusunik taasakkatsinni najugaqartuni kiffartuussinissamut isumaqatigiissuteqarfiusunik peqarnera KNI A/S-ip malittarisassaani erseqqissumik allaqqammat. Tassanilu aningaasat iluanaarutaasut kiffartuussiveqarfiunngitsuneersut ataatsimilluunniit inoqarfinnut kiffartuussinissamik isumaqatigiissuteqarfiusunut attuumassuteqanngimmat.

Taamaattumik Atassummiik una asuli qulaaniik naqisimanninnerulersitsisussamik pisortallu pissaanermik kisimik tigungmiartunngornissaannik siunnerfeqartutut isikkoqarmat takinerusunik oqaasertalernagu itigartitsissutigineqarnissaannik innersuupparput.